

## **ЫҢЫАХ**

### **Макар Хара тыллара**

Өртөн ыла бэлэмнэнэн,  
Үөрүү-көтүү аргыстанан,  
Ыһыах буолар күнэ үүнэн,  
Ыаллар бүгүн эрдэ туран,  
Сарсыардаттан үгэс курдук  
Саҕаланна ырыа-тойук.

Х о с ы р ы а т а :

Ыһыах, ыһыах,  
Үрүн тунал ыһыах!

Долгулдуйар түһүлгэттэн,  
Чорооннордоох сэргэлэртэн,  
Күнү көрсө, эбэрдэлии  
Көтөн иһэр курдуктар  
Кынаттара тэлибирии  
Кылбаннаһар холууптар.

Хос ырыата.

Эдэр ыччат киэн да киэн

Ийэ сирбит туһунан,  
"Үүнэ, үрдүү турдун", - диэн  
Өрөгөйдөөх ырыанан  
Сүрэхпитин үөртүлэр,  
Сүргэбитин күүртүлэр.

Хос ырыата.

Ону истэн тураммын  
Санаан кэллим барытын:  
Сэрии аны буолбатын,  
Сэриигэ баҕарбаппын.  
Үлэ, эйэ ыһыаҕа  
Өрөгөйдүү туруоҕа.

Хос ырыата.

Таптал нарын чарангын  
Таарыйбатын хаар хаһын,  
Тунал ыһыах түһүлгэтин  
Тумнубатын ырыа-тойук,  
Айар талаан эгэлгэтин  
Арчыластын алгыс курдук!

Хос ырыата.